



KOMUNIKADO DI PRENSA

Willemstad, 27 òktober 2022

TARIFA DI GASOLIN TA BAHA, DIESEL TA SUBI, ELEKTRISIDAT I AWA TA KEDA PRAKTIKAMENTE MESKOS

WILLEMSTAD – Entrante djamars 1 novèmber 2022 e tarifa regulá di gasolin ta baha na Kòrsou. E tarifa di diesel ta subi i e tarifa di elektrisidat i awa ta keda práktikamente meskos. Esaki Bureau Telecommunicatie en Post (BT&P) ta partisipá den su komunikado mensual riba e partikularidat aki. BT&P ta supervisá e desaroyo di preis di produktonan petrolero i di utilidat.

Káalkulo tarifa produktonan kombustibel


E káalkulo di tarifa pa Mogas 95, Gasoil LSD, LPG 20 i LPG 100 konosé e komponentenan

1. Preis di kompra, 2. Impuesto di importashon LSD, 3. Garantia di suministro di kombustibel (1a), 4. Garantia di suministro di kombustibel (1b), 5. Márgen pa Curoil, 6. Impuesto di konsumo (Akseins), 7. Sùrplùs/Défisit (Recovery), 8. Supsidio krusá, 9. O.B. di 6% pa benta por mayor, 10. Márgen pa agente, i 11. O.B. di 6% pa benta por detal. Pa sierto komponente e tarifa sero ta konta, sea temporalmente òf nò. E tarifa pa benta por mayor ta inkluí e promé nuebe komponentenan miéntras ku e tarifa pa benta por detal (na usuario final) ta inkluí tur komponente.

Ta determiná e preis di kompra, kaminda kalkulashon ta kuminsá, mensualmente pa e luna siguiente a base di e reserva di kombustibel disponibel na final di luna pasá. Pues: e preisnan di kompra ku ta stipulá pa novèmber 2022, en prinsipio ta basá riba e reserva di kombustibel disponibel pa final di sèptèmber 2022.

Den kaso ku si e informashon tokante di reserva duná dor di Curoil ta inalkansabel, lo tin ku sali for di e kotisashon internashonal resien. E preisnan di kompra akí ta wordu revisá dor di notashon di preis internashonal. Dor di e lapso aki den e mekanismo pa determiná preis, por ta nesesario pa deskontá eventual diferensia entre e preis di kompra regulá i e montantenan di kompra real, di forma retroaktivo via e elemento ‘Sùrplùs/Défisit’.

E bahada di e tarifa usuario final pa Mogas 95 ta resultado di un bahada fuerte di preis di kompra den kombinashon ku un oumento di e korekshon den e komponente Sùrplùs/Défisit. E oumento di e tarifa usuario final pa gasoil LSD ta resultado di un oumento di e preis di kompra den kombinashon ku un bahada di e korekshon den e komponente Sùrplùs/Défisit. E desaroyonan di preis - bou di kua e diferente desaroyo entre Mogas i LSD - ta den liña ku e kotisashon internashonal, kaminda for di sèptèmber tin papiá atrobe di un tendensia di oumento i pa produktonan di gasoil ademas den un grado hopi fuerte. E último aki ta resultá den limitashonnan den e oferta di produktonan di gasoil riba merkado internashonal, entre otro komo konsekuensha di mas sankshonnan oksidental kontra di Rusia. E desaroyonan akí i e anunsio di bahada di OPEC+ di e plafònt di produkshon (krudo) den e próksimo lunanan tambe por resultá den (mas) oumento di preis di kombustibel. E kotisashon internashonal ta reproduzí den e gráfiko aki bou.



Káalkulo tarifa awa i koriente

E káalkulo di e tarifa pa awa i elektrisidat tin dos komponente: e tarifa básiko i e klousula di kombustibel. E klousula di kombustibel pa elektrisidat ta konsistí di dos elemento: kompra di koriente i gastunan di kombustibel. E ‘kompra di koriente’ ta basá riba e preis pa e energia ku tersernan ta suministrá, manera energia di bientu i di solo. ‘Gastunan di kombustibel’ ta enserá produkshon di energia dor di Aqualectra mes. Tambe e klousula di kombustibel pa awa ta konsistí di dos elementu, ku ta “kompra” basá riba preis di awa ku ta wòrdu suministrá dor di un terser partido i e gastunan di elektrisidat pa produkshon di awa dor di Aqualectra mes.

Sin embargo, kada luna e uso di e diferente medio pa produkshon – e asina yamá ‘meskla di produkshon’ ta varia. P’esei BT&P ta determiná e balor di e klousula di kombustibel mensualmente basá riba e pronóstiko di Aqualectra, di kiko e meskla di produkshon lo bira, den e kaso aki pa e luna di novèmber 2022. Si un luna despues resultá ku e elemento akí tabata muchu haltu òf muchu abou, ta korigí esaki. Den e kaso akí, ta trata di e luna di sèptèmber 2022.

BT&P ta determiná e tarifa básiko pa tantu awa komo elektrisidat un biaha pa aña. E tarifa akí ta enserá tur otro gastu (fiho) pa e produkshon di awa i elektrisidat i tambe e gastunan pa e distribushon i e entrega di esakinan, manera gastu di personal, di mantenshon, depreziashon, etc.

E oumento leve di tarifa di elektrisidat ta resultado di un promedio abou te na sierto altura di gastunan di kombustibel pa e produkshon di elektrisidat i un faktor di korekshon ofer di sèptèmber 2022. E oumento leve di tarifa di awa ta resultado di kostonan di elektrisidat haltu te na sierto altura pa produkshon di awa i un faktor di korekshon ofer di sèptèmber 2022.

Aprobashon i fihamentu

BT&P ta asesora Konseho di Minister (KdM) enkuanto e tarifanan nobo. Solamente despues ku e KdM aprobá e propuesta, e Minister pa Desaroyo Ekonómiko, ku a la bes ta enkargá ku asuntunan di energia, ta fiha e tarifanan. Eseinan ta e tarifanan máksimo ku por usa un luna largu.



Ku e prosedura akí, ku ta konsiderá faktornan internashonal i lokal, e supervisor BT&P ta vigilá e entrega di kombustibel, awa i elektrisidat na e poblashon lokal di forma independiente i transparente, pa esaki ta kontínuo i rasonabel.

Por mira e ahustenan eksakto den e tarifanan riba www.btnp.org.

[FIN DI KOMUNIKADO DI PRENSA]

Nota pa Redakshon:

Pa mas informashon tokante di e komunikado di prensa akí, por tuma kontakto ku Bureau Telecommunicatie en Post na +(599-9) 463-1700.